

ISLAMSKI WEB PORTAL

**m**inBer.ba

# KURBAN

- PROPIS KLANJA KURBANA
- UVJETI ISPRAVNOSTI KURBANA
- KADA SE KOLJE KURBAN?
- PODJELA KURBANSKOG MESA
- SAVJETI ONIMA KOJI KOLJU KURBAN

ISLAMSKI WEB PORTAL

WWW.MINBER.BA



## Kada se kolje kurban?

Prinošenje žrtve Uzvišenom Allahu je vremenski ograničen ibadet, stoga je veoma bitno poznavati njegov početak i kraj. Nepoznavanje ovog propisa može uzrokovati da zaklani kurban bude samo obična sadaka, a ne kurban. Vrijeme u kojem je dozvoljeno zaklati kurban počinje nakon klanjanja bajram-namaza i bajramske hutbe. U mjestima u kojima se ne klanja bajram-namaz, oni koji žele da kolju kurban, sačekat će onoliko koliko treba da se klanja bajram, a nakon toga mogu početi sa klanjem kurbana. Kazao je Allahov Poslanik, sallallahu alejhi ve sellem: "Prvo čime počinjemo ovaj dan (Bajram) jeste bajram-namaz, zatim se vraćamo i koljemo kurbane. Onaj ko postupi tako, postupio je po našem sunnetu. A ko zakolje prije namaza, to je samo meso koje je darovao svojoj porodici, meso koje nema ništa sa obredom kurbana." (Buharija i Muslim)

Pošto Hadžijski bajram, tj. Kurban-bajram, traje četiri dana, zadnje vrijeme kada je dozvoljeno zaklati kurban je vrijeme do zalaska sunca četvrtog dana Bajrama. Kazao je Allahov Poslanik, sallallahu alejhi ve sellem: "U svim klancima Mekke može se klati, u svim danima tešrika (dani boravka na Mini) može se klati kurban." (Ahmed, vjerodostojan hadis)

Najbolje vrijeme za klanje kurbana, za one koji to mogu, je odmah po povratku iz džamije sa bajram-namaza, s tim što treba naglasiti da ne postoji šerijatska zapreka da se kurban kolje noću, naročito ako za tim postoji potreba, kao u slučaju da čovjek u toku dana ima radnu obavezu.

## Podjela kurbanskog mesa

Najbolje je da se meso kurbana podijeli na tri dijela: da se jedan dio podijeli siromašnima, drugi dio prijateljima i poznanicima, a da treći dio vlasnik kurbana ostavi sebi. Međutim, treba naglasiti, da ako bi čovjek podijelio kurbansko meso i na drugi način, ne bi pogriješio, kao naprimjer, da sebi ostavi manje od trećine, a ostalo podijeli, ili da sebi ostavi više od trećine.

Vlasnik kurbana treba znati da nije dozvoljeno platiti mesaru uslugu klanja kurbana kurbanskim mesom. Kazao je Alija, r.a.: "Naredio mi je Poslanik da podijelim meso i kožice njegovih kurbana, i da ne dajem mesaru ništa od toga. Rekao je: 'Mi ćemo mu dati nadoknadu za to od nas.'" (Buharija i Muslim)

Međutim, dozvoljeno je mesaru udijeliti kurbansko meso ako je siromah ili je njegov prijatelj, ali je bitno da meso ne bude platežno sredstvo za uslugu klanja kurbana.

## Prodaja kurbanskog mesa!?

Nije dozvoljeno prodati nijedan dio kurbana, a što se tiče kožice kurbana, nju također nije dozvoljeno prodavati, no dozvoljeno ju je ostaviti sebi i njome se koristiti. Kazao je Allahov Poslanik, sallallahu alejhi ve sellem: "Ko proda kurbansku kožicu, njegov kurban je ništavan, nema ništa od kurbana." (Hakim, hadis-hasen)

## Savjeti onima koji kolju kurban

- Kurban treba dovesti do mjesta klanja na lijep i blag način.
  - Treba dobro naoštriti nož kojim će se klati kurban, kako bi se klanje kurbana izvelo na najbezbolniji način, i pokuđeno je oštriti nož pred kurbanom.
  - Pohvalno je da se obori ovca i krava prilikom klanja, dok je sunnet kod klanja deve da se kolje stojeći, savijene prednje lijeve noge.
  - Pohvalno je da osoba koja kolje, kao i kurban, budu okrenuti prema Kibli.
  - Lijepo je da vlasnik kurbana lično zakolje kurban.
  - Prilikom klanja kurbana treba izgovoriti bismillu.
  - Ne smeta da neko pomogne osobi koja kolje kurban, naročito ako se radi o klanju krave ili bika.
- Na kraju, molimo Uzvišenog Allaha da primi i ukabuli naša dobra djela, našu pokornost, klanje kurbana.

Poseban selam i bajramske čestitke  
od vaše braće sa  
[www.minber.ba](http://www.minber.ba)

# KURBAN

- ▶ PROPIS KLANJA KURBANA
- ▶ UVJETI ISPRAVNOSTI KURBANA
- ▶ KADA SE KOLJE KURBAN?
- ▶ PODJELA KURBANSKOG MESA
- ▶ SAVJETI ONIMA KOJI KOLJU KURBAN